

Verbâl de riunion dal Comitât Diretîf dai 27 di Zenâr dal 2017

Clamât adun cun letare dai 5 di Zenâr dal 2017, prot. nr. 06/17, vinars ai 27 di Zenâr dal 2017 aes cinc sore sere si à dât dongje a Udin, te sede di Vie Manin 18, il Comitât Diretîf de Societât Filologjiche Furlane par discuti dal ordin dal dì metût ca sot:

1. Leture e aprovazion dal verbâl de volte prime;
2. Belanç consuntîf 2016 e belanç preventîf 2017: relazions pal contribût regionâl;
3. Donazion Archivi m.i Luigi Garzoni;
4. Donazion font librari e cartografic Duilio Durigon;
5. Variis se a 'nd è.

Ae clamade dal President Vicario a rispuindin i conseîrs:

Pier Carlo Begotti, Alberta Bulfon, Donatella Cozzi, Carlo del Torre, Cristina Di Gleria, Giovanni Frau, Roberto Frisano, Adriana Janežič, Anna Madriz, Renzo Medeossi, Gottardo Mitri, Paolo Pastres, Claudio Petris, Odorico Serena, Carlo Venuti, Celestino Vezzi.

Si son justificâts:

Vittorina Carlon, Pierino Donada, Silvio Moro, Giuliana Pugnetti, Claudio Romanzin, Pier Giorgio Sclipa.

No son:

Stefano Morandini, Gianni Sergio Pascoli.

Al è presint ancje il soci benemerit Lucio Peressi.

La riunion e je valide pe leç e pal Statût.

Al è nomenât Segretari Feliciano Medeot, Diretôr de Societât.

Pont n. 1 dal o.d.d.:

Leture e aprovazion dal verbâl de volte prime.

Il Comitât Diretîf al fâs bogns a la unanimitât i verbâi des riunions dai 29 di Zenâr e dai 21 di Otubar dal 2016.

Pont n. 2 dal o.d.d.:

Belanç consuntîf 2016 e belanç preventîf 2017: relazions pal contribût regionâl;

Il President Vicario al presente al Comitât lis relazions dal Belanç Consuntîf 2016 e Preventîf 2017.

Il Tesorîr al presente i prospets dai Belanç consuntîf 2016 e preventîf 2017.

A intervegnin:

- Venuti, Janežič, Mitri e Pastres che a domandin sclariments riuart a lis cuotis e al numar dai socis;
- Serena al rimarche che il risultât positîf al è ancje merit dal personâl de Societât.

A ducj ju intervents a rispuindin il President e il Tesorîr del Torre che a proponin ancje une mozion par convocâ une riunion dal Consei Gjenerâl de Societât par discuti su la cuistion des cuotis e dal numar dai socis: il Comitât Diretîf al fâs buine la propueste.

Il President al met duncje ai vôts la aprovazion des relazions e dai prospets di balanç: il Comitât Diretîf al fâs bogns ducj i documents, che a passin cussì a la Assemblee dai socis pe aprovazion definitive; tal stes timp al da mandât al Uffici di Presidence di prontâ la version definitive de documentazion, mudant ce che al à di jessi gambiât.

Pont n. 3 dal o.d.d.:

Donazion Archivi m.i Luigi Garzoni;

Il President:

- al riclame la funzion primarie vude dal mestri Luigi Garzoni di Adornano te culture musicâl furlane;
- al ricuarde la sô opare artistiche e la sô ativitât dilunc di 60 agns;
- al riclame il desideri palesât dal mestri che dut l'insiemit dal so archivi storic-culturâl-musicâl al sedi conservât e metût a disposizion de coletivitât;
- al cjape at de volontât palesade de famee Garzoni di Adornano di destinâ sore nuie la proprietât di dutis lis oparis dal mestri a la Societât Filologjiche Furlane "G.I. Ascoli", cul oblic di conservâ chest patrimoni te sô integritât, unitât e specificitât, cu la juste cure, permetint la fruibilitât a studiôs e par events di dimostrade valence culturâl;
- al considere che chest preseabil materiâl al podarà insiorâ la associazion di une documentazion di grant valôr culturâl;

al met in votazion la propueste pe Societât Filologjiche Furlane "G.I. Ascoli" di acetâ de famee Garzoni di Adornano la proprietât dai bens che a costituissin l'archivi storic-culturâl-musicâl dal mestri.

Dopo de discussion, il Comitât Diretîf al delibare a la unanimitât di:

- acetâ la devoluzion, sore nuie, de famee Garzoni di Adornano te persone dal cont Giuseppe, de proprietât dai manuscrits musicâi identificâts in n. 40 cartolârs, cun dentri in dut n. 676 cartelis cun ancjetantis oparis dal mestri Luigi Garzoni di Adornano;
- acetâ, fin di cumò, cul timp necessari a meti in ordin il materiâl ogjet di devoluzion, ancje il restant materiâl dal archivi, componût dai manuscrits poetic-leterâi, de part enciclopediche gjenerâl e des copiis di oparis;
- impegnâsi a fâ inventariâ e catalogâ chest materiâl rapresentât di letaris, libris, articui di gjornâl, ricercjis, recensioni, tescj musicâi, intervistis, spartûts, notazions;
- meti dut il materiâl, cui limits detâts de necessitât di conservazion, a disposizion di studiôs e ricercjadôrs;
- conservâ il patrimoni te sô integritât, unitât e specificitât, cu la juste cure;
- autorizâ il President Federico Vicario a intervignî in rapresentance de associazion tal at notarîl che si varà di stipulâ, a concuadâ lis modalitâts di traspuart dai bens ricevûts e la colocazion di dut il materiâl a Palaç Mantica o in altris puecj a disposizion de Societât Filologjiche Furlane ch'a vedin il stes

lustris, firmant dutis lis declarazions necessariis e cjapant sù par cont de associazion l'oblic di sostignî lis spesis relativis al at di di devoluzion.

Pont n. 4 dal o.d.d.:

Donazion font librari e cartografic Duilio Durigon;

Il President:

- cjapât at de volontât palesade dal siôr Duilio Durigon di Rigulât di destinâ sore nuie a la Societât dut il so patrimoni di libris e di cjartis gjeografichis;
- considerât che chest prezios materiâl al podarà insiorâ la Societât di une documentazion di assolût valôr culturâl;

al met in votazion la propueste pe Societât Filologjiche Furlane “Graziadio Isaia Ascoli” di acetâ la donazion.

Il Comitât Diretîf al fâs buine la propueste a la unanimitât.

Pont n. 5 dal o.d.d.:

Variis.

Il President al informe il Comitât Diretîf che:

- cu la resinte revision dal statût de Fondazion CRUP la Societât Filologjiche Furlane e je stade inseride tal piçul numar di ents che a nomenin la trie di nominatîfs pe elezion dal orghin di orientament. Duncje cul rinovament dal orghin di orientament previodût pal 2018, la Societât Filologjiche Furlane e varà di indicâ trê nominatîfs, che tra di lôr si sielzarà un component dal orghin di orientament, une specie di assemblee dai socis de Fondazion.

Al informe ancje che la Fondazione CRUP e à cambiat il so non in Fondazione Friuli, par rimarcâ l'unitât dai teritoris dal Friûl centrâl e dal Friûl occidentâl;

- al è stât inviât il Centri di documentazion, ricercje e sperimentazion pe scuele furlane, in atuazion di un projet trienâl finanziât de ARLeF, cu la firme di un protocol di intese par regolâ lis ativitâts dal Centri, cu la assunzion di une risorse a la segretarie operative dal Centri, il disvilup di un sît internet specific dedicât a la scuele furlane (di prossime ativazion a la direzion scuelefurlane.it) e cu la stampe di 5 fassicui realizâts te prime anade dal projet "Marilenghe te scuele", modui CLIL pe scuele primarie furlane intun bon numar di copiis pe distribuzion tes scuclis e tra i docents.

A son stâts nomenâts i components dal comitât tecnic ch'al coordene lis ativitâts dal Centri: Walter Tomada (president, daûr indicazion de ARLeF), Rosalba Perini (daûr indicazion de Societât Filologjiche Furlane), Patrizia Pavatti, Elisa Menegato e Donato Toffoli.

Il prin event public al sarà il 22 di Fevrâr dal 2017 pe presentazion dai fassicui CLIL di "Marilenghe te scuele", prime di dâju fûr tes scuclis.

- si è daûr a programâ lis iniziativas pe fieste dal Centenari de Societât: il Congrès straordenari a Udin tal Salon d'onôr dal Cjistiell, la publicazion di un Numar unic speciâl “Filologjiche” par cure di Andrea Tilatti, la candidadure par inmaneâ a Gurize tal 2019 la cunvigne anuâl dal AICI “Italia è cultura”, la organizazion di events e iniziativas setoriâi tant che la III Cunvigne di

Toponomastiche Furlane, la publicazion di une antologjie critiche de leteradure furlane.

Par cjatâ i finanziaments ch'a coventin pe organizazion di dutis lis celebrazions al è za stât fissât un incuintri cul Assessôr regionâl a la culture, Gianni Torrenti, ancje su la fonde des garanziis di jutori de bande de Regjon a lis celebrazions dal Centenari, pandudis de Presidente de Regjon, Debora Serracchiani, al Congrès di Martignà.

Il Comitât Diretîf al cjape at.

Al interven ancje il soci benemerit L. Peressi che al regale ae Biblioteche de Societât lis notis dai “Lineamenti di Grammatica Furlana” di pre Josef Marchet e al domande di valorizâ in cualchi maniere il nomencladôr di Dino Virgili.

Chist verbâl al ven fat bon dal Comitât Diretîf a la unanimitât.

La riunion si siere a lis 18.35.

Il segretari verbalizant
Feliciano Medeot